

學

福

齋

詩

集

學福齋詩集卷二十五

雲間 沈大成 學子

竹西詩鈔

鶴亭自焦山遠餉江魚名酒并示新詩走筆奉謝
燈花夜爆今朝驗遠致刀魚白勝銀知味方能嘗鼎食
笑它啗茹世間人

毛詩疏網魚得
鱖不如啗茹

說是山僧舊醖醅紅泥初坼瀉深杯分明一滴華嚴味
更割松寥翠色來

俗語丹青數百秋虛無仙迹指江流譙山自是君家物

彩筆題詩又上頭

焦山本名譙山
江文通有詩

估木堂中客數

色角切

來佛香法鼓鎮裏回二分春色知

何處雪與梅花相併開

嘔吻中流積翠堆魚龍跳擲浪喧豗幾時同上蘭舟去
醉看浮天無岸來

補堂使君侵晨冒雨過訪歸復投詩輒次奉訓

春雨積蕪城寧知節序更吾猶扇戶臥公迺墊巾行小
院紅初墮長隄綠漸成客愁誰爲解寂寞賣花聲

望霽晴綺軒同寶所介亭橙里雪疆賦

浹長甚

讀夷鉞切

雨失朝昏不許陽和到華門是處濕烟連

竹色幾時明月返梅魂爲添鄉思停吟筆欲敵春寒倚

酒尊多謝丙丁書帖子鷓鴣曉殺綠楊村

鶴亭以焦山夜坐詩見示喜爲繼聲亦得一首

積翠蠹海門山勢欲飛動向晦息僧寮孤鐙射巖洞雪
霽春尚寒風定波猶湧香版中夜周華幢諸天捧唯覺
生妙明何處著塢捧勝引況詩流古德有塞種說禪雀
遮餅談易篋籀桶奇情天爲驚險語公何勇移牀就酒
巡撥火溫茶董想其得意時應忘雙肩聳我亦愛宵吟
而乃阻陪奉料畧風流人終當讓江總

○雨後陪同杭堇浦杜補堂兩先生程筠榭同學飯
建隆方丈與夢公法侶唱誦華嚴字母歡喜讚歎

而作是詩

竺乾貝葉宿所耽四十二字誦華嚴百城烟水眇何處
道人近在梅花菴通泗門外泥沒踝從者衣褚輿垂幃
欲尋導師須徧友幸逢學士有苑咸沙隨吟客醉側帽
杜陵詩老行掀髯入門正值中前候石堂雨過雲猶含
行童擔柴汲新水香鉢盛飯分龍龕天花輪菌臺蕪嫩
山筍鮮脆芹芽甘果然禪悅良有味未免饕餮還生慙
楊枝碎嚼舌根淨吾亦隨衆同和南有情無情皆得度
二合三合麤能諳唱誦數過口吻利如矢離殼馬脫銜
以十四字貫一切隋書鑿鑿非妄談舍利觀音寧異趣

周顒沈約應同參紐字雙音出天造羅文九弄由人拈
柔和微妙洵希有迦陵蘭陀還相兼是爲音聲翻切母
無分華梵宜窮探僧房寂靜坐忘久不覺斜景漏竹簾
四游解駁天忽霽願以功德歸瞿曇我聞此寺荆蕤祖
親率虎旅橫戈鉞旣平重進建梵刹欲憑象教銷兵燿
昆明小劫動千載到今猶聽鐘聲韻興來作詩題粉壁
華嚴性海香菴禪夢公智者爲微笑它日還費泥一杓
喜晴以陶詩旣雨晴亦佳分韻得佳字同坐爲莖
浦山長玉井對漚及漁川主人

駿鳥出東海八表驅雲霾晨光透疎櫺屐聲猶滿街渠

昌黎先生集卷二十三
耐兼旬陰對此紆羈懷同心二三友夙然莫與偕說詩
更隸古幽事宜高齋耽奕未爲失握槊亦復佳人生貴
適意何必定安排暢好陌上游我方縛青鞵快晴須劇
飲況聞酒如淮

蜀岡雨望分蒸韻同吳梅查程筠榭易恬村秋澄
石磴穿雲勢欲騰雨來共向曲欄凭花因晴少紅將落
柳爲春深綠漸增泥飲正當寒食過分題猶憶舊遊曾
隔江山色知何處撿點還無洗鉢僧

謂玉川上人

問笠山疾

足疾君偏劇經時尚未瘳安居如結夏新著有陽秋躑

躅艱行散消搖好倚樓阮公虛蠟屐何以寫煩憂

輓定慧菴主

人海收身指夕陽俄然示寂向何方謙師茶味餘甘在
猶憶經過青豆房

前村風雪傳佳句一種清新哲匠能似爾多聞偏化去
世間何限啞羊僧

因緣變合原爲幻十喻寧勞辨假真多事善財尋藥草
幾曾活得住山人

帶水拖泥亦可哀一朝撒手信悠哉老夫記別無它囑
已度今生莫再來

苦雨同葑田介亭雪疆橙里作

積雨嗟難止春寒尚不勝
愁添彈鋏客閑殺閉門僧
江木眇何許林花落未曾
巷南多酒伴聊復著吟藤

次韻奉酬烏程姜秀才

是處名山君徧探
芒屨柳栗興猶酣
爲耽吟事來江左
久識高風滿水南
孝緒編書曾有七
太冲作賦已成三
不才垂老愁譚薤
春雨蕭蕭伴佛龕

上已後二日坐雨安居
襖飲同堇浦太史玉井對
漚菰農杉亭碧溪松滋秋
澄恬村筠榭以此地有
崇山峻嶺茂林脩竹分韻得脩字

興至便宜飲況遇良朋儔元已未三日積雨喜乍收風
光幸可藉褰事許續脩相與踞奇石何必臨長流廣除
習新綠屋頭來鳴鳩俯仰忻自得不覺牕景適王謝彼
何人吾將尋浮邱

題于石薌拾香錄

南部鶯花北里春舊時烟月寫來新底須重續妝樓記
淮海風流擅此人

絮果蘭因有宿緣不生香界卽生天一時紙貴傳抄徧
費盡山陰十萬牋

病起維摩息世紛欲超緣覺斷聲聞豈知綺語難除却

自笑從前懣悔文

立夏日鶴亭招集淨香園

清和物序美吟侶集池亭新水鴨頭綠遠山佛髻青酒
醇宜客醉歌緩耐人聽更愛荷初出如錢已滿汀

雨中遊南園三絕句同姜笠堂玉井松滋梅查恬

村作

一片波光水閣頭蒹葭蕭瑟已疑秋十年不到城南路
暮雨瀟瀟起客愁

奇石何年致太湖玲瓏如剝翠雲膚可應散落媧天屑

來作邗江玉數株

園多
奇石

曾共山翁把酒卮

用義山句謂盧雅雨先生

習池回首足相思重來

風物多非昔不改清陰是柳枝

晉陵潘敏惠次君章叔偕同孫宇成過訪寓齋卽

席有作

客裏逢朋盍杯行不肯停人聲喧晚市帆影落空庭殘
雨猶含白遠山微露青西州餘慟在相顧感飄零

淨香園餞別奉呈鶴亭主人

盛饌來芳榭夷猶去未能玉卮百末酒珠箔九枝燈且
上紅舷泛還同繡檻凭江帆明日路相望白雲層

臨發橙里約過晴綺軒與杉亭春農兩舍人石薌

明府葑田石滄話別

江潮將落候正好下瓜洲良友難爲別臨行還復留晴
山青對酒深柳綠隨舟後約期何日陂塘五月秋

輓陳石鶴

撒手懸厓道力堅僧房一夕去生天清狂不學方三拜

高行真同朱百年畫筆曾經名士讚

君善山水秀水張
彌伽徵君采入畫

徵詩篇好仗後人傳窮交耐久增余感重過溪南爲惘
然

輓吳竹村

杵臼論交五十年忽聞去世淚潺湲最憐幾日三喪繼

徒有遺詩萬口傳
遠笛疎鐘流水外
亂鴉殘竹夕陽邊
家風豈竟中衰息
弓冶相承倚後賢

初夏過訪王史亭會張南查繼至因同步入超果寺作

偶然挈杖叩郊扉
流水平橋野徑微
深綠一庭書滿屋
坐移牕景不知歸

良友相尋有季鷹
新篇綺麗挾飛騰
論詩已入華嚴界
欲笑滄浪最上乘

梅子黃時雨幾回
水田處處買秧栽
叱牛屋後人歸去
戴笠一僧村外來

逶迤曲岸接平畦柳外風多燕子低何處雞聲曉不歇
數家村舍夕陽西

蕭寺荒涼半草萊殘碑駁落沒荒苔婆留霸業銷沉久
野鳥飛來說法臺

寺有楊鐵厓碑
載錢武肅舊蹟

鵬脚陰森罨翠烟斷垣賸礎石橋邊同參支許今誰在
斜日齋鐘記昔年

朱堆山張澹遠過飲

初歸真慰意鄉曲洽清歡舊侶扶筇至新詩擊節看鐘
聲臨夜動塔影入潭寒酒薄猶堪醉杯行到手乾

寶訓堂集飲香雪主人掇茉莉索句明晨送花一

盆以素筴屬書之

初夏新綠成名園更瀟灑誰謂芳意闌階除爛紅朶戎
葵列若屏安榴灼于火老樹奇石間敷席置便坐酒酣
戲爲詩險怪出怙妥諧隱惟所爲壺奕無不可吾老已
頽然何以勝杯斝主人步中庭瓊瑤摘盈把云此嶺外
姿萬里載海舸從來鮮好詩顧乃屬之我詰朝昇巨盆
闔戶驚楸楹含苞半未開的皪珠萬顆露光泣方流日
氣烝欲閤廣韻許下切裂也收香盒多羅添媚髻倭墮每入茶
甌浮或傍枕函韞宜居素馨前豈在紅蘭下往嗜竺乾
言鬢華喻般若讀人者切亦愛嵇含書采掇不少假所媿遜

學齋詩集卷之三
誠齋體物之淹雅微風拂湘筠聊用一申寫

移居

料量家具祇遺書咫尺何煩薄笨車委巷敢云庾信宅

當年曾過子雲居

舊爲林太常居

閑尋酒肆隣相近欲置琴牀

地有餘多謝娟娟潭上月清光依舊滿庭除

余于五月既望遷入

每恨鷓鴣無定枝今年幸辦草堂資荒畦茆屋經三徙
淨几明牕又一時壁畫重裝含古意餅花新插足幽姿
恰當梅雨初過後先把牆東翠竹移

故園暫返忽經春喜見紅榴照眼新何意欵門來貴客

王西莊光祿張少華舍人過訪

且當祀竈請比隣因耽詩酒爲忙事偶

趁樵漁學散人莫笑杜陵生計拙一畦蒿菰未全貧
曲曲墻樊枕碧流柳陰常自繫扁舟潮痕出沒連遙岸
山色依微入小樓幸得同心堪作伴但能容膝更無求
只愁蚤晚催人去息影何年守舊邱

過禾飲錢官傅里第蒙以八十初度詩長卷見贈
依韻奉和卽用爲壽

不到平津又幾年重親絢屨倍驩然酒間但共論經史
簾外何須肄管弦子硯雲生磨

賜墨乳鑪香潤炷沉烟移鐙更運如椽筆揮霍珠璣有
萬千

東山蹤爲白雲留
稚雅揚風興肯休
望重故應當代仰
神來似與古人謀
鄭虔三絕逡巡就
齡石千函取次酬
問字門前車轍滿
勝它蔣徑祇羊求

頻奏鴻篇

聖意欣

主臣一德鑒忠勤
韋平家世高三浙
燕許聲華滿五雲
長公侍郎見直內庭
鳩杖朝班傳盛事
雉羹仙籙續前聞
可知洛社風流後
烟月南湖得並分

尚書受祿領儲端
吐哺情殷勸客餐
謝氏諸郎多翰墨
郝家羣婿亦鸛鸞

謂王李諸君

聲名官職相兼少
富貴神仙

似此難君與還看登百八蒲輪徵起向長安

乙酉長夏重至武林吳甌亭招集野園與邵檀波
徐南徐萬近蓬楊鳳厓暨令弟帶星山谷分賦

積年契濶隔寒溫重向林亭共一尊舉目湖山前夢杳

驚心朋舊幾人存

謂江聲玉篴雨先生
竹田茨檐諸同學

小橋曲榭微波

合高柳叢篁落日昏濡筆書堂方撰述願將遺獻翦鐙

論甌亭新
選浙詩

過鄭文園宅時鄭在江右寄此懷之

舊聞洱海去近得豫章書豪興應猶昔吟情更倍初斜

陽來野寺流水繞幽居賴有持門戶蓬蒿自埽除

謂如璋

丁龍泓隱君見訪投詩依韻奉和

萍梗行踪信所之重遊湖上話相思六年轉眼如新別
四海論心有舊知赤景燒空人到日清風入座客來時
還驚宿草蒼烟外殘笛飛聲引我悲

謂金江聲傳玉篴
兩先生施竹田同

學

龍泓遺手刻印章

班草重逢緣不輕貽將片璧抵連城直從象外求神理
翻遣人間識姓名摹印誰能知古意雕蟲自覺負高情
若教煮石山農見應使前賢畏後生

六月一日葛嶺哭玉篴老人攢所

公已成千古騎箕何處游文章留館閣體魄閔山邱曰
炙湖波熱天圍嵐氣浮平生知己淚揮灑汗同流

蚤歲登黃甲春坊晚拜

恩寂寥居講席遙遙隔脩門桃李中朝盛

平起安居兩王公秀水錢

公皆出

弦歌東魯存

老人爲溧源山長壬申計偕三十餘人

哀哀老司寇

頭白賦招魂

錢公經紀其喪

憶昔登樓日當公南邁時

余客居幕府老人來主粵秀鰲峯獲交最厚

春風

隨短策夜月倒深卮蕭散闌高致紛綸鑄偉辭到今都

夢境徒賸峴山碑

悵望湖山色蒼茫憶謝公九原宿草外一笛夕陽中嘉

樹言猶在

老人舊第有宋黃楊樹曾屬作歌

瑕邱恨不窮還憐丞相冢

冷傍石橋東

山麓卽梁文莊先墓

養素園避暑雅集以坐石看雲意遠爲韻與陳文

江陸篠飲高蘭陔江玉屏王澹和分賦得意字

名園幸重來良友歡倒屣其時正暑盛跋烏鵲何熾祝
融飛火輪炎官搖赤幟勢同陟焦原炙灼無處避曉乘
露未晞一笠遮頭至精舍野水濱萬竹森交翠解衣松
石間習習微風駛遠近流蟬聲蒼茫逗秋意迺知塵坌
中別貯清涼地分張況積年此聚良非易坐多素心人
說詩紛妙義窮達果何闕湖山夙所嗜倦客樂就閑禪

侶許自恣蓮莖引淥鄴不覺頽然醉

撰潘敏惠公神道碑成因題一詩

十載依蓮府相於魚水同山邱歸謝傳涕淚墮羊公父
老謳吟惜

朝廷禮數崇自慚無史筆何以紀豐功

學福齋詩集卷二十五終

學福齋詩集卷二十六

雲間 沈大成 學子

竹西詩鈔

初秋得雨示及門曹苴香

望歲秋將近
油雲載雨來
鬱烝一昔解
懷抱萬人開
魚戲爭新水
蟬吟靜古槐
薄田知有穫
懽喜倒深杯

送吳舍人還朝

畫鷁乘風速
郵程指顧中
潞河秋水白
碣石海雲紅
此去承

恩渥相思倚
夢通臨分須盡醉
何日酒杯同

玉屏去近一年其故人蒔田玉井梅查皆爲詩懷之感廣陵風俗之厚而友道之不絕於天下也亦

賦一首

秋雨秋風又一年
侬鄉消息轉茫然
客來楚澤無書寄
夢隔吳天有淚懸
舊業黃山何日返
新詞白石幾人傳
淒涼阜茨橋南路
門巷塵封冷夕烟

易秋澄齋中試茶

薄寒驚旅人
秋氣入林谷
偶來東城東
幽境豁心目
石鼎烹寒泉
竹間鳴琴筑
傾之白定甌
色暎須睂綠
昔聞季疵經
茶品繁有族
龍泓圻靈芽
一串珍於玉
我輩殊

清狂連啜苦未足笑彼李端公毋乃猶近俗

得丁隱君凶問

凶問傳何遽秋空隕少微高風今日少小學舊交稀迹

類空山衲人稱大布衣蓋棺應論定一掃漢陰機

君性孤冷

頗不諾于俗

送我當炎夏開門月落初誰知成永訣猶屬乞奇書

余去

篁菴君未曉來送臨別屬乞玲瓏山館書垂老添悲憤頻年感索居相於殊

恨晚南望轉欷歔

昔夢西湖上春風拄瘦藤因逢鹿門叟更約定林僧

庚辰

玉篴老人偕至湖上遇君及懸記終爲識觀空未可憑

南山恒公因爲竟日之遊

浙中遺獻盡糾繆少吳兢

摹印雖游莢微言闡說文可憐存片石古氣結寒芬

君繆

篆絕難得會以二私印見贈

哀逝開遺札

數日前猶得君七

招魂向

莫雲巷南有弟子掩淚話河汾

重陽前三日淨香園看菊用姜白石料得山中無

壽酒但携茶到菊花前詩中平聲字分韻得中字

輕陰乍結雨濛濛已濕籬根菊幾叢千里家懸鴻影外

一年秋老客塗中頻遊倍覺名園好良會寧教酒琖空

差幸病餘身健在扶筇先到石橋東

食蟬同吳葑田作

我家圓泖濱厥產多巨鱉野岬隱以燈緯蕭障於水束
縛輒數輩琰大尋常耳況憶天津街篋簍曉盈市亦越
長蕩湖連爪一尺在老夫老更饒往往口爲哆揭來廣
陵城頻年給庖宰當筵出甌運衆客停箸待鬼瑣得無
虱狼藉庸有牙今晨巷南友

謂江
澄里

見餉何硯磊鐵色凝

波光堅硬包甲鎧揚湯烝雞蘇青殼悉變紫亟呼同學
翁相笑動食指充槃勢縱橫枝撐疊八跪團尖剝瓊瑤
橙薑下醬醢滿斗膏真肥塞螯肉尤美此物昔姑射其
廣蓋千里又聞力鬪虎荒唐殊可駭周官供好羞王會
入紀載仄行遡考工寄穴見荀子覘國旣不遺勸學亦

學初詩集卷三
以殆吾曹際康時飲酒歌樂豈選韻蹈險幽隸事維奇
胥何似彥謙工莫遣秀實怪起嗅東籬花不覺徑醉矣

重陽後一日冒雨尋菊分蕭韻

重陽已昨日風雨尚蕭蕭黃菊多佳色閑尋破寂寥幾

叢臨野水一笠過溪橋漫擬賓王序

駱有冒雨尋菊序

花村未

覺遙

廣陵傍花村蒔菊最盛

晚秋雜興

月色已寒江岸潮聲漸落海門秋氣蕭森如此一燈相

守黃昏

屈指辭家三月故園開徧黃花美人遙隔秋水夕陽過

盡歸鴉

雨雨風風作冷蕭蕭瑟瑟吟秋何處飄來殘角有人倚
徧高樓

一自栖遲江上十年秋老竹西已等畫蛇刻楮寧論野
鷺家雞

十九日陪同堇浦北垞對漚橙里筠榭展重陽於

蜀岡作

傑閣重登秋欲晚蜀岡蟠亘亦雄哉江寒木落漁村出
風急天高雁語來勝地何妨頻躡屐客情不厭數銜杯
夕陽西下雷塘路賸有黃花爛漫開

喜聞及門吳芸閣京闈秋捷

兩經獻賦未曾收小錄遙傳慰旅愁苦志會應登上第
少年便已作名流鄉園霜冷黃花節京國香深青桂秋
誰道文章無定價故人多半鳳池頭

送筠榭渡江看鶴林諸寺紅葉

此去西津渡紅深烏桕村羣山吟木葉一氣染雲根客
意酣征棹秋光滿寺門錦囊添麗句歸共酒邊論

紫玲瓏閣觀白菊

白帝秉秋令金氣感素卉晚彼籬根花花光鮮而泚孤
清無多叢參差有幾蕊初開宛帛裂競坼若雲委鶴翎

意蕭疎鶯管形層累的的霜爭華晶晶月承彩鏤木將
毋同抱璞何乃爾隻然羅含宅獨立曾望里婉變出塵
姿野情悅高士位置尤得宜竹石冷相倚廣陵富貴家
徒尚豔文綺紛紜洋種陳敦洽自爲美譬猶寶砥硤翻
欲棄珠玕物性誰能齊愛憎異至此主人飭中厨開甕
泛醇醴座客皆詩豪筆力勇蒼兕酒糾亦如花淖約勝
處子謂秀華髡情覺最歡百觚不知止麗譙已三更我輩
可以起

題陳用之秋湖月泛圖卽以贈別

西湖境最佳尤在月之出月痕與波光萬頃混爲一方

秋游氛除入夜天更潔望舒招水夷消搖下瓊闕瑩欲

瀉爛銀皎可鑒華髮先施乍陰陽龍女來恍惚寂寥夜

氣清浩蕩烟波濶虛無泛流黎仿佛濯冰雪我昔游其

間扁舟坐超忽泠然宵將中凡切朱凡切几砭毛骨此夢遂

廿年過眼儵以失今夕觀君圖拍按叫音絕君游雖未

果君意豈虛設大圖爲淨慈恒寫移我墮林樾衰

齒奈日增前塵隔吳越舉頭月仍圓人事幾變滅斯理

費推尋且呼杯中物君本璠璣姿宜居馬揚列讀書窮

皇墳萬卷舊穿穴千言落筆成雷霆奔鬱律蚤登昌黎

門湜籍互提挈謂湖北李中丞暨損之少華兩舍人秋賦嗟見遺抱璞而

衣褐譬之策吉良歷塊偶一蹶酒罷別我去西上抽帆
疾云謁隴西公且執緹油筆漢水何沆洋荆山何崿嶏
庾嶠切星辰出匳鏡高揭大江盪吟懷百怪騰溟渤回
視明聖湖猶曾於滕薛我老尚饑驅自詫風景裂欲擬
翫月詩操翰氣已奪君詩當益多卽事良可悅夢澤有
歸鴻寓書細爲說

重送用之

經歲始相見匆匆君又行日斜瓜步岸人去漢陽城急
浪千帆湊空江一雁橫幾時重把酒復此話離情

冬至前一日春農樓亭對琴同集淨香園送謝金

坡宮庶還 朝以冬至子之半分韻得至字

使輶自南還千旌擁笳吹暫艤木蘭舟來共故人醉名
園紅橋灣窈窕足幽致一水流清瑤萬石積蒼翠疎林
夕照中寒鴉數聲至明晨日來復葭灰飛厚地杜康且
傾卮羲和爲回轡元氣幹微陽江梅有坼意謝公文章
伯姸雅多能事妙啓天地房冥搜詩書笥堪愛月色清
可耐星駕駛濡筆聊賦詩取備東觀記

楓溪王秋汀用戊湖上別去十二年矣頃遇謝宮
庶知其見官劔外曾奉臺檄周履管內營田盡詠
三蜀諸勝悵以在遠不得見也輒成長句懷之

客蹤宦轍各西東十二年來似轉蓬
萬里未能傳雁足一官遂爾隔蠶叢
名山處處停征騎佳句篇篇振古風
安得畫船還共載狂吟爛醉往時同

寒夜馬半查招集小玲瓏山館同杭堇浦閔玉井
陳對漚方西疇張嘯齋漁川程筠榭作

長松立瘦鐵北風挾之鳴其下有草堂
奇石紛縱橫主人服鄭流却埽研墳經
偶然及吟事往往諧韶經至日後三日
折簡來相迎扶筇四三叟歡笑傾淥醅
寒月出墻角餘輝窺牕櫺池冰堅以厚
黃梅僵古鉗重簾聚燭影向空墮鴻聲
拊此光景駛感彼歲序更故人不可作

昌黎先生集卷三
一
愴焉懷脊令

思嶢谷也

徐聿脩招飲觀劇卽席成二絕句

羯鼓聲闌舞柘枝
酒波平卷入深卮
昵人自有當筵曲
不用儂家播拈詞

餘韻悠揚欲繞梁
八盤髮綰內家妝
紅梨花底含毫客

乍拂衣香已斷腸

謂張少華舍人

贈興化任苧村孝廉

太歲在西日在箕
有客躡屐來庭墀
胸藏文字足萬卷
揮霍雷電驅雄辭
尤精三禮治注疏
鄭賈寥廓眞攀追
旁研竿數暨象緯
上探周秦遡軒羲
渾天之全蓋天半

斯言精確豈我欺宣城布衣老徵士絕學實爲儒者師
謂梅定九先生西法本出羲和舊支離荒誕徒繁爲吾友東原
稱博物獨闢天步挈地維何幸復交任公子相與攷索
無所遺繫予好古老更篤如飲若食不可離童觸屏僵
鐙欲死天寒手瘃筆猶持客中得君真大樂雲龍上下
願同之世間萬事不挂眼山林鐘鼎何有哉嚴風索索
牕紙動殘星睽睽斗柄移東隣歌舞西隣醉我輩忍寒
讀書良足嗤

常菜畦以照索題書此贈之

吾友開平之王孫作書作詩皆絕倫書摹燉煌得變化

詩學盱眙家法存陵遷谷變帶礪失百年以來翳林樾

悲風采石壓崩濤寒燐

良忍切

星星含戰血當時壯士挽

銛戈今日書生倚禿筆筆墨超然自出塵有書萬卷不
知貧雅文辨慧真君子跌宕風流一俊人自從傾蓋遂
如故相與滄浪狎鷗鷺寂寞東陵說種瓜復見青青滿
荒圃菜畦自號寄野情乃祖高蹤猶可溯安得山陰十
萬牋請君揮霍生雲烟將書換酒日爛醉醉向黃公廬
畔眠

冒巢民靈璧硯山歌爲張墅桐作

奇章甲乙不可識平泉醒酒香難得成都之筍涪溪尊

瘳醜剝落風雨蝕何如米老小硯山巍然不動琴書側

後有好事冒巢民泗濱采玉窮雕飾木繪園中諸美人

湘中閣下老詞伯

謂董姬陳髯諸人

不知當日幾摩挲粉光墨

彩猶如昔明社旣屋棟宇灰玲瓏清閼同棄擲貨郎擔

子阿師橋片璧黝然含古色張侯愛石有奇癖揭來一

見三太息呼童數錢亟買歸虎僕龍賓交嘖嘖峰巒岬

嶠勢爭奇蛟螭樛結字半泐夸父愚公走遁藏媧皇巨

靈爲辟易物小中含天地精奎壁飛光射几席張侯興

至作長歌對之竟欲忘寢食寄聲石兄可知余幾時請

客來爲客

盧玉川有石請客詩

徐雅宜花間聽曲圖

徐君之才漢中郎尤精樂律調宮商北曲頓洗里人耳
南詞久登作者堂白髮老師爲歛手紅妝小妓還回腸
興來填譜花生管醉後轉喉塵繞梁江東重見沈詞隱
吳下不數王伯良玉茗以後此調絕東塘稗畦未臻極
全椒名士金樓亭與君竝世而特出金尚栖栖幕府間
君今僕僕向長安展圖不覺相視笑觀河波匿非昔顏
憶君從宦遊滇中六詔君長來趨風跳月雛苗留一笑
朱絲雙繫唱玲瓏君是尚書奕葉孫風流文采實無倫
摘陵家美傳東海燕許聲施在北門卽今蓬轉廣陵市

意氣豪雄猶如故百榼香醪千首詩我輩擣舌敢致師
竹西鼓吹文字飲車公不到客不怡徐君嗜音今古稀
務頭選句能獨知落花如雨春將盡低按紅牙十二時
嚴風急雪河腹堅壯士匹馬挽吟鞭好將賡載虞廷盛
去奏垂裳

天子前

次韻張看雲小樓新成

樓在鶯
脰湖上

烟波釣叟本神仙久滌人間塵海緣偶築小樓詩境闢
爲尋勝引客情牽幾聲漁唱秋烟外一片波光夕照邊
更放石牀安綠綺聽它巨蜃落冰弦

鶯脰湖產
蟹最美

不信當來日大難面山背郭縱奇觀松陵倡和應加盛
鷗渚盟言未肯寒何必鑑湖分一曲儘饒野水瀉千盤
幾時鋪幅鷺溪絹看寫江南點點巒

小除後二日大雪介亭林士雪疆同集學福齋懷
玉屏

春入殘年雪易消共持卮酒慰無聊故人小別三秋似
遠道相望萬里遙孤館夢隨更漏永重簾寒挾夜燈驕
東風縱送梅花信寂寞前遊廿四橋

學福齋詩集卷二十六終

學福齋詩集卷二十七

雲間沈大成

學子

竹西詩鈔

丙戌穀日大雪有懷陸篠飲戴東原兩孝廉

寒釀新正雪霏霏旋作堆倍添江館寂應勒野梅開緣
隙隨風入漫空夾雨來遙憐騎瘦馬長路尚裴回

燈節後二日集筠榭齋

又扶筇竹過君家賦韻分題興未賒五夜燈光連月色
一番風信到梅花當筵綠酒浮銀甕隔巷紅妝走鈿車
堅坐不知更漏永春星欲墮被樓遮

輓鮑海門

三載同賓館挑鐙共論文誰知一別去遽爾死生分夢
遠西津樹愁深北固雲幾時重繫纜灑淚向書芸

改歲才聞訃初疑耗未真青雲稽令子白髮痛慈親庾
信宅非故

時新移居

陰鏗句尚新神仙室有訣遺恨下泉人

江聿亭春藻堂成詩以落之

在魯室之成奚斯曾爲詩美哉輪奐而奐張老亦陳辭潭
潭君子宅入者生光輝道德以爲牖仁義以爲基匠石
運斤削王爾操繩規榱桷作梁棟丹雘施桷桷埽除告
工畢鐘鼓以樂之是惟善之積禔福而壽祺視履考其

祥載籍不我欺
繫彼連雲起
飛革鬱參差
衛霍曷足美
程卓還堪嗤
豈知肥遯子
邱中可棲遲
樂志殊閑止
息影自希夷
詩書堆硯北
琴奕陳窗西
清風滿庭戶
明月來階墀
不登陟而便毘連切不婆娑而嬉
古稱樂天者若

此庶乎而吾友聿亭翁家自天都移
足迹半天下風雲入奇懷
自造平安車遠遊近遊皆昨歲
卽聽事左構一

小齋顏之曰春藻
文彩紛葳蕤
麤屨結綺組
葱翠列繡

楣多暇設肴核
往往呼朋儕
觴咏于其中
不醉客無歸

翁性最易以鼓切直交久同蘭
芝善氣所導
迎熙然游春

臺方今寒雪融
巡檐梅花開
高竹風脩脩
綠影冒階苔

所占有幾弓幽徑邈無涯百年駒過隙驪忻恒如斯君
子崇令德彭簪以爲期

題江玉屏橋南泛宅圖

邱成分宅傳高義此事今人豈易能我愛陸家兄弟好

埽除精舍待吟明

謂篠飲
昆季

江漲橋頭烟水寬安排茶竈與漁竿湖山面面浮晴翠
劇耐詩人仔細看

客夏籃輿訪舊來嫩涼池館鎮裴回相攜更向街南去

深柳書堂弄酒杯

是日偕訪
王澹和

浮家泛宅名流事偶憩遊踪指雪泥正好梅花翻遠出

孤宅萬樹石橋西

張無夜解元過訪留詩

引杯聊共醉且繫孝廉船此去幾千里分張已六年春
風寒客館暮雨暗江天何似西湖上狂吟掃百篇

夜夢至金陵程綿莊家見其彫萃非復昔形方與
弟南耕念念束書似將遠去手贈殘墨數挺曰此
甚佳足供君寫經覺後嗟訝因紀以詩

久與故人別一昔忽夢之顏色頓顛顛非復似往時
兄弟束書帙若將有遠行念念去何所滿庭空月明
脫贈墨數挺云此堪寫經吾衰學日落念之中心驚

枕函墮寒鐘紙牕漸以白春風動地鳴殘鐙猶閃壁

及門銅梁王鎮之過揚見訪因知其伯氏士會昨
秋發解蜀中喜兄弟之競爽而太原公之有後也
天道不憚常與善人信哉

西望涪州信忻聞吉語真艱難爲日久門戶自今新世

眼驚才子天心福善人回思湖上別喜極却沾巾

壬戌之冬

余在杭送公楓歸里時士會才六歲鎮之猶在懷抱也

兄弟如君少聯翩入

帝京高材宜接武大孝在揚名杏苑看雙入槐廳美並

行倚間猶異地蚤晚錦衣迎

太夫人攜鎮之就昏錢宮傅宅尚僑居禾中

春分日鶴亭主人招游蜀岡看梅同北垞葑田作
步登蜀岡頂濛濛鋪白雲時有微香來泠然逗吟魂一
枝兩枝落千樹萬樹開春寒天欲雨林鳩鳴已哀暝色
帶村舍晚鐘出招提卽此中峯中何必西溪西地幽景
更佳意愜與自隨湖頭船漸歸猶弄花間卮

王棣亭叢桂秋吟圖

小山老桂叢可以招隱士庭中木樨香亦用悟妙理王
君澹蕩人爾雅世無比吟咏規三唐消搖闕百氏閑居
閉荆扉吉祥而止止秋風昨夜來涼意滿軒戶疎疎林
月明唧唧階蛩語數樹高連螭黃雪積幾許操翰坐其

間萬象恣攬取悠然思入神不覺忘能所何必尋靈巖
穠芳此焉貯幽懷無所營禪味甘于乳

次韻陳笠山自紅橋泛舟至平山堂下之作

路入梅花窟寒香數里長遠山雲有態平野樹無行斜
景依孤塔春流漫五塘底須光福去此便可銜觴

清明後一日紫玲瓏閣看玉蘭花同方介亭江橙
里作諸君近體工甚余別爲五言古詩一首非敢
異也懼不敵也

婉彼女郎花粲然列庭際露濡靚以妍日暎瑩而膩望
望幹何長朶朶姿交媚玉卮潔無瑕珠胎明不類天然

去雕飾獨立離垢地幾枝襯杏梢一樹出柳外江梅縱
先春曷若此清麗玲瓏展雲屏時見蜨蜂至誰爲招美
人隔簾聚芳氣瀟灑自脫塵窈窕有靜意蕃釐悵莫追
唐昌嗟何異高吟得同心踏歌當聯臂

借使元魏
楊白花事
槐火

積餘薪餉簫牘殘吹爲花盡百觴傲傲忘醒醉

爲杜使君題越蔭傳芳二錄

采葛歌傳鬢亦絲艱難返國感當時終教白浪悲文種
徒費黃金鑄范蠡秩秩豆籩脩墜典悽悽風雨入荒祠
君臣一體留精爽麋鹿蘇臺有所思

琬琰新雕姓氏香諸公遺烈尚堂堂甘心鼎鑊全臣節

回首河山弔國殤雲壓射峯埋戰血天圍鏡水結寒芒
至今父老猶含淚潛德重光澤最長

暫歸里門汪可舟病中以詩見送依韻奉酬

江上桃花水君情較更深客程雖暫隔別緒劇難禁
疎雨含殘照歸鴻厲遠音底須親抗手篇翰見同心

小極牽懷抱頻來松石間舐毫仍作字隱几當登山
公幹漳濱靜維摩丈室閒徒勞調笑我貧健賴樊蠻

白詩十年

貧健是樊蠻君詩
未見調故及之

渡江

歸櫂橫江下金焦曉色微遠帆行似定去鳥墮還飛翰

墨貧何補風塵老覺非幾時生計遂息影故園扉

可舟見示杜鵑花詩因憶舊遊亦爲五言一篇

吾昔游端州杜鵑爛巖谷湘峽至頂湖花光何歷錄粲
然携繡錦五彩錯相屬高低深淺同誰爲運杼柚其時
恰正開暖氣蒸晴旭嶺南春色早芳菲炫人目府主太

原公

藩伯王樓山先生

消搖扶邛竹敷衲對龍湫歎珠散鄴渌

酒酣各爲詩長歌殷林麓俯仰遂卅年飄忽如轉燭今
誦君新篇不覺往事觸漢襟喜重題峴碑嗟已邈聊矢
皇琴音輒和紫芝曲萬里指嶺雲寧知天地局

何鐵山表弟別去五年近自吳來重過廣陵蒙貺

佳篇輒和四首

一握笑寧易五年別已遙相逢禪智寺猶客伯通橋老去吟情壯天涯游興饒如何席未煖便欲理歸橈

何沈原詩友劉盧況世親不堪青鏡裏俱是白頭人翰墨多生習鶯花異地春黃公壚畔過朋舊半爲塵

聞說千山麓書堂松桂重烟波連大泖几案落高峯對月橫長笛看花倚短筇間間十畝外耕牧自從容

五月陂塘好紅橋荷漸稠且停江上櫂去上

是掌切

水邊

樓濕雨梅初熟輕寒麥未收共傾春酎綠一遣旅人愁喜礪齋弟至酒間效孟浩然四聲依次用各六韻

積雨開新霽扁舟江上來憶別無多載夢覲知幾回俱
成老禿翁念舊半陳芟而我尚健在復此弄酒杯日月
景何駛鉛槧志未灰嗜學得吾弟探索窮九垓

潭潭同巷居南阮與北阮甲第連雲起門外交轂韞苑
枯惟其時鳥爪指清淺春風不少留嚴霜蘭蕙翦宗祏
幸有依宮坊履華選況更列庭階彬彬盡瑚璉

我我文選樓廣陵士之囿洪惟

聖化敷羣材彌輻湊般爾操繩規無不中
耒耨時雨所沾濡一溉亦有就良冶鑠吉金光氣騰列宿

觴苙醉半塘光景宛疇昔豈知猶橐筆侘傺遠爲客山

僧來問禪野老與爭席
林鳥聒笙竽園花落巾幘
蚤晚芙蓉開紅橋新月白
共泛楸頭船烟水任所適

黃北垞江船吹笛圖

葭蒼露白大江秋
書卷漁竿共一舟
更向中流吹短笛
不知銷得幾多愁

旅館相依悶數秋
樓頭往往盼行舟
最憐來往迎鑾鎮
明月孤鴻祇送愁

學福齋詩集卷二十七終

學福齋詩集卷二十八

雲間 沈大成 學子

竹西詩鈔

端午前三日橙里招同吳葑田方竹樓洪林士汪雪樞集紫玲瓏閣

庭綠漸已深夕陽開晚照脩廊旣邐迥奇石亦奔峭二三同心友吟屐先後到脫幘快蕭閑捉麈共諧笑方洪天機精丹青雙入妙主人真靜者不爲外物撓學道知消搖觀心徹元要廣陵繁觴弦吾意徒召閑何如文字飲豈弟神所勞是時天久陰街衢苦橫潦旣醉扶杖歸

引枕曉雞報

脩翫閣對雨

積雨久不止輕寒曉易侵罷書愁正永折簡喜相尋一

笛從風墮雙鳩入樹深披襟共陶寫琴筑有清音

時秀華亦

來侍飲

苦雨

苦雨連旬月唯聞檐瀑聲疾雷穿地出斷霓

倪結切

飲江

明黑嶼山中見青蛙釜底鳴旅人忘寂寞新茗汲泉烹

快晴

頓卷濕雲散涼風入座清盡憎連月雨可愛一朝晴梁

燕引雛出池魚散子行老夫初病起扶杖覺身輕

納涼

客舍無多地堪乘是晚涼來禽堆璣綠抹麗入甌香家
近書頻得交深話自長當風搖大扇不必定林塘

寫望

望裏天如沐今朝喜乍晴遠山髻影出新水縠紋生市
滿樵蘇集林喧鶻鳩鳴欲招隣叟去載酒蜀岡行

蟬

深柳聲何急林塘欲晝時潔應容我愛清亦畏人知晞
露寧能飽高枝肯爲移誰將空外響一寫入冰絲

夏日閑居分佳字

閑居當盛暑幽事恆奇懷荷氣侵晨冷雲峯到晚佳宵
追熱客隊自與古人偕

近較杜氏通典

所悵吳趨隔南來信轉

乖

題秋屋藏書圖

西風昨夜生秋聲殷林谷君也樂靜便歎歌一茅屋左
右樹櫟松須睂亦爲綠中藏善本書古香淵以邈吾聞

蒙莊言學乃人之福六經衆百氏佛藏

才浪切

逮仙錄身

雖逆旅多漁獵苦未足豈敢踵前脩聊用藥凡俗廣陵
盛豪家唯知耽絲竹卽有浮慕者塵埋蟬相逐何幸得

遇君愛書如嗜欲且令畫史圖觸目皆羣玉幾時挾策
來同君挑鐙讀

七夕有感

河鼓殊遙次黃姑太寂寥迢迢銀漢上烏鵲未填橋
露濕鴛鴦幔雲侵翡翠鉤錢塘蘇小小長自隔牽牛
篋中五雜組牀畔九張機無限人天恨尋思事總非
那覓支機石何曾貰聘錢白頭家令在白幘轉悽然

喜杭堇浦太史至

江干分手忽經年喜見帆收到岸船永日相思還夢裏
一時快聚又尊前夜深寒峭霜悽樹冬近風多雁滿天

且其平原留客飲與君話舊復論禪

謂鶴亭
橙里

秋林晚步分青韻

斜景挂高樹夷猶客暫停幾林殘葉紫一角暮山青風
色催寒信蟲吟入遠聽自來忘世慮亦未怨飄零

寄懷聿亭石滄金陵

經月金陵去茲遊亦壯哉大江木葉下空館菊花開酬
和添吟興登臨感霸才攝山秋色好留客未歸來

初冬集青桂山房同杭堇浦翰編汪碧溪博士家

彌齋宮贊閤玉井江松泉易松滋諸同學作

初冬木葉脫納此嵐氣陰老桂青連蜷不畏微霜侵纓

弁偶來集杖履閑相尋感時拊急節卽事多賞心獨步
園中池遙揖城北岑寒雲晚漸稠弦月出猶沉駕言拏
歸舟林巢喧棲禽

及門王鎮之選君乞假省覲過訪寓齋卽送南下
客路還重遇年光及小春華簪才子貴清貫省郎新倚
棹懷歸切銜杯話舊頻今朝風正利安穩下西津

紫玲瓏閣坐雨喜秀水王秋塋至

鴛水分攜歲屢更扁舟新繫廣陵城葛衣莫歎人間態
秋塋爲穀原比部仲子彩筆須爭世上名征雁隨陽依荻暖寒鐙

照雨隔牕明文通高意今難得不改生前故舊情

謂橙里

筠榭齋集飲分詠紫薇花

鬢繁花似綴皮蛻榦疑凋得日增紅豔無風自動搖可
能華省入不爲夕郎招吟罷還相對書牕鎮寂寥

送蔡鹿文之杭州

君向西湖去湖孺我舊遊晴山青似黛春水綠如油梵
放雲邊寺僧居竹外樓故人多好在詩酒儘淹留

謂吳
西林

甌亭汪西顥王澹和
及大恒讓山兩上人

鈕牧村將至中州過別有作

六載一相見忽忽君又行卸帆瓜步岸策馬大梁城握
手重爲別銜杯細與傾若尋嵩少去石壁有題名

雪後集紫玲瓏閣

快雪晴方始堅冰合已深
亂雅枯木杪折竹古牆陰
清助高人興寒添旅客襟
底須矜白戰寂寞郢中音

武林許氏連枝圖

觀史重孝義誦詩感脊令
分形實同氣相好式天經
傷余丁大故荆枝繼凋零
手足失所助禍患頻來撓
孔懷嗟何及壘簾隔泉扃
今展連枝圖不覺襟泪盈
高陽本鼎族競秀宿知名
推梨幼往復讓棗長頻仍
浙西推魁士兩到亦雙丁
機雲噪文社載協狎詩盟
詎知迫大莫披帷悲人琴
遂罷一生歡

見謝詩

徒殷千載情至性之所

結丹青圖其形依然昔晤對庶幾沒猶生蔚彼交讓木
奕葉有餘馨我歎邑井間操戈每紛爭不念總角時嬉
戲在家庭常願天下人陟岡思其兄請看青雲端羣雁
行如繩

借玲瓏山館杜氏通典校竟詩以謝之

君卿著通典鴻綱挈其維粲然治具張足垂百世規慨
自秦漢後皇風漸以漓意欲聳唐德與古相攀追卽此
徵忠愛學者宜深思所苦傳刻譌往往留瑕疵註裏細
牛毛行間紊亂絲尋繹或不得悶若塵蔕迷吾友有善
本片言假之歸如目生三童勝彼刮金篋點看慙自力

不爲疾疢移晷或忘食飲夜每繼膏脂寧畏烈日暍焉
知清霜懷開卷夏五候斷手臘八時歲月坐飄忽丹墨
紛淋漓竊恨少不學窮老黠自悲旣無功名念矻矻亦
何爲吾友富縑素幾視石倉齊令子承家美綺歲落筆
奇爭傳雲霞作競寫瓊琚詞嗜好祇文史萬卷得所遺
行當叩山館握槧質所疑鼻觀嗅微香江梅坼寒枝

方密菴招集徐氏交翠林分賦長律十韻兼呈墨
耕晴莊二昆季

良友忻茲集名園愜乍過逡巡穿月榭窈窕入烟蘿石
古奇還瘦池深靜不波薛痕綠曲磴梅意坼寒柯徐幹

才原妙方千句最多名言渾忘久頽景豈知矧急節冬
將盡衰年醉則那卽看環水木寧異陟巖阿爲避詩流
衆寧虞觴政苛西風吹鬢影歸路笑鬢髭

爲張看雲長公題采藥圖

春山茁藥苗元氣益以溢服餌致長生何止却疾疾本
經肇炎農造化可回幹藥王與藥上妙喻金口說張君
松陵彥以孝聞吳越倚其愛日心陵歷翠萬笏宿留動
經時長鏡恣穿掘離離九光芝宜爲園綺掇上烝成雲
霞旁拂散醢醢底求白山薇自勝華陽木第得一莖歸
老親懽然悅卜人獻其繇君子永元吉

古意徐蕤農齋分賦

廣陵自古銷魂地歌場酒坐圍珠翠珠翠叢中第一人
淺笑微矐如有意玳瑁筵前孔雀屏龍涎吹沫溫玉笙
天上何來羅郁女人間竟遇董雙成長裾弱袂結束好
二八才交年紀小花性悠揚不自持垂手回身向郎抱
芳蘭竟體透衣香蠟燭灺紅欲斷腸第願便成連理樹
鶯春雁夜永相將

有宋東坡先生生於景祐三十年十二月十九日
今歲揚之名宿寓公集僧舍薦酒脯縣象以壽之
某以爲壽者繫乎生而名也先生去今七百三十

一年矣壽于何居爰爲迎神送神二章以相其禮
焉

猗神之起兮井絡之維其封也郊廓之西尸祝嚴於堪
輿兮別邁弧縣之期奎昭昭于列宿兮豈巫咸之我欺
陳蕙肴與蘭藉兮紛進侑以歌詩靈皇皇旣降兮雲容
裔載兩旗

右迎神

岷山峩峩兮岷江瀾瀾神之來兮何方吾曷知其歸惟
人心之不泯兮後千載恒若斯彼茲回之奚爲兮卽婦
稚其猶詬之蔚甘棠之如在兮神將去而委遲

右送神

歲暮及門銅梁王士曾過訪京江蔣春農舍人繼至是日大雪酌酒共飲卽用蘇文忠聚星堂韻

歲盡天寒樹無葉北風吼空卷飛雪嘶嘶索索打牕明
面瘃肌痒正愁絕忽見故人先後來臨門狂喜屐齒折
壺內何妨酒屢溫鑪中不覺火旋滅舍人談經長河翻
孝廉鼓筆倏電掣頓使羈懷鐙畔開莫笑衰容眼邊纈
麥田堆積茆屋封野夫拊掌勝瓊屑卽看冷氣加森嚴
坐歎年光太飄瞥城頭撾鼓客欲行握手將分費言說
掩扉獨臥竟何聊布被年深絮似鐵

學福齋詩集卷二十八終